

Mahathir kecam suara, sumbang

Oleh Ahmad Kamsi dan Abu Bakar Sidek

UM 27 NOV 1983

BAGAN DATUH 27 Nov. - Perdana Menteri Datuk Sri Dr. Mahathir Mohamad hari ini mengecam suara - suara sumbang yang menuduh kononnya UMNO hendak mewujudkan kerajaan republik.

Katanya, suara sumbang itu menuduh UMNO akan menghapuskan sistem pemerintahan yang ada sekarang.

Beliau juga mendedahkan ada kalangan orang-orang UMNO sendiri yang terkeliru dan turut mengambil perhatian dalam upacara - upacara yang mengecam parti sendiri.

Katanya, parti-parti lain pula cuba mengambil kesempatan dari masalah yang kita hadapi sekarang dengan menuduh UMNO hendak mematikan orang-orang Melayu.

"Saya ingin tegaskan UMNO berpegang kuat kepada sistem yang ada sekarang,

Islam.

"Tetapi mereka tidak berani cakap terang - terang, cakaplah terang - terang apalah salahnya, mereka beri memorandum kepada saya, tetapi tidak sebut corak pemerintahan yang dikehendaki."

"Kenapa tidak sebut tentang sistem republik Islam dan ingin memilih seorang jadi presiden mungkin orang itu namanya Al-Rawa atau Al-Hadi" disambut dengan tepukan gemuruh dari orang ramai.

Datuk Sri Dr. Mahathir menegaskan bahawa Parlimen mempunyai kuasa tertinggi bagi menentukan masa depan nasib rakyat.

Tambahnya, sebab itulah kita hendak kuasa Parlimen menjadi kuasa tertinggi kerana Parlimen itu dipilih oleh rakyat sendiri.

"Oleh kerana itu sudah tentu Parlimen akan menyuarakan pendapat kita sendiri. Sekiranya kita hendak keburukan maka itu adalah kesalahan kita, dan jika kita hendak kebaikan, maka kita akan berhati-hati menentukan sebarang tindakan yang akan diambil untuk kebaikan kita," tegasnya.

saha Agung UMNO Malaysia, Datuk Mustafa Jabar dan pemimpin Barisan Nasional Negeri Perak.

Menteri Besar Perak, Encik Ramli dalam ucapan alu-aluan telah menyampaikan penghargaan tinggi kepada Perdana Menteri di atas kesudiannya melawat Perak dan menyatakan sokongan bulat rakyat negeri ini terhadap pucuk pimpinan kerajaan sekarang.

Beliau yakin dengan lawatan Perdana Menteri itu akan memberi kemenangan gemilang kepada Barisan Nasional dalam pilihanraya kecil Dewan Negeri kawasan Rungkup 3 Disember ini.

sistem raja berperlembagaan, "ujarnya disambut dengan tepukan gemuruh.

Lebih 50,000 orang mendengar ucapan Perdana Menteri yang diselang seli dengan pekikan 'merdeka' 'hidup Mahathir' dan 'jangan letak jawatan Mahathir,' di perhimpunan raksaksa di padang pekan Selekoh, di sini petang ini.

Datuk Sri Dr. Mahathir menegaskan pemimpin atau ahli-ahli UMNO tidak ada niat sama sekali untuk menghapuskan sistem yang ada sekarang.

"Tetapi dalam pada itu, kalau ada kecacatan tentulah kita betulkan dari masa ke semasa," tegasnya.

Seterusnya Perdana Menteri memberitahu UMNO tidak ingin rakyat jadi keliru, tidak ingin ada tafsiran tentang sesuatu perkara dan UMNO berusaha untuk menentukan segala urusan negara berasaskan kepada asas undang - undang.

Menyentuh tentang PAS, beliau berkata parti itu membuat tafsiran yang mengelirukan rakyat mengenai isu pindaan perlembagaan dengan mengatakan perlembagaan sekarang cacat.

Katanya, PAS kata perlembagaan yang ada terdapat kecacatan dan mereka ingin ditukar sama sekali perlembagaan itu.

"Tetapi PAS tidak sebut pula apakah gantinya cuma setakat berkata berasaskan kepada Islam sahaja," tegasnya dan mensifatkan PAS sebagai 'cakap tak serupa bikin.'

Katanya, PAS memang lain yang dikata lain yang dibuat mereka sudah nampak sebuah negara yang mengamalkan republik

Hidup bahagia

Perdana Menteri berkata, tidak ada sistem lain yang boleh menentukan rakyat hidup bahagia, kita tidak hendak sistem pemerintahan secara diktator, tetapi kita tetap kepada demokrasi.

Beliau menegaskan UMNO dan Barisan Nasional tidak tamak dengan kuasa yang diberi oleh rakyat kerana kuasa yang ada sebagai kemudahan untuk berkhidmat kepada rakyat.

Sebelum itu Perdana Menteri bersama isterinya, Datin Sri Dr. Siti Hasmah telah disambut oleh Menteri Besar Perak, Encik Ramli Ngah Talib serta pemimpin-pemimpin Barisan Nasional setibanya dengan helikopter di padang Sekolah Menengah Tun Razak Selekoh kira-kira jam 4.30 petang tadi.

Perdana Menteri telah diarak dengan pukulan kompong didahului oleh pasukan pembawa sepanduk dan poster wajahnya berjalan kaki sejauh setengah batu ke padang pekan Selekoh di mana beliau telah disambut dengan hamparan permaidani merah.

Beliau telah merasmikan dewan pelbagai guna berharga \$145,000 yang terletak di tepi padang itu dan telah diperkenalkan kepada calon Barisan Nasional, Encik Mohamad Jamrah yang bertanding dalam pilihanraya kecil Dewan Negeri kawasan Rungkup.

Orang ramai yang membanjiri padang pekan itu sejak tengah hari tadi telah memberi tepukan gemuruh bila Perdana Menteri melangkah kakinya masuk ke kawasan padang untuk berucap di atas pentas khas yang dibina di situ.

Turut hadir sama dalam perhimpunan itu beberapa orang menteri kabinet antaranya Datuk Sanusi Junid, Datin Paduka Rafidah Aziz, Dr. Goh Chen Teik, Setia-